

GO ATA GA COVID-19 LE TSE DINGWE



Bagaetsho,

Ke lo kwalela ka itlhaganelo go lo itsise ka ntlha ya gore dipalo tsa tshwaetsego tsa COVID-19 di ntse di namelela mono, mo sedikeng sa Bojanala, mo porovenseng ya Bokone Bophirima le mo mafelong a mangwe a mantsi mo Aforika Borwa. Jaaka lo itse, Mopresidente Ramaphosa o dirile pego ka Sontaga wa 31 Motsheganong ya go re itsise fa dipalo tsa tshwaetsego tsa COVID-19 di ntse di namelela le gore naga yotlhe e tllile goya kwa Level 2 go tloga ka la 31 Motsheganong.

Dipalopalo tse di kgobokantsweng ke komiti ya rona ya COVID-19 di bontsha gore, ka 10 June, go begilwe palo entswa ya 296 ya tshwaetsego ya COVID-19 mme gone go sena pego la dintsho. Fa e sale go simolola leroborobo le mo ngwageng o o fetileng, go ntile le ditswetsego dile 33 480 le dintsho dile 548 mo Bojanala.

Le fa go itumedisa gore dipalo tsa batho ba ba fodileng ke 30 369, re tshwanetse re nne re itlhokometse segolobogolo jang mo ntlheng ya Lekubu la Boraro la bolwetse.

MOENTO WA COVID-19

Go entiwa ga badiri ba tsa pholo, ba eleng bona ba ba leng mo kotsing thata, go tswelapele mme go mo legatong le le kwa pele thata. RBN le ba e dirisanang le bona ba similotse lenaneo la go enta batho ba dingwaga dile 60 le go feta mo metseng yotlhe ya RBN. Seno se dirilwe gore bagolo ba seka ba tsamaya sekgala se se telele gore ba amogele moento wa bona. Lenaneo la moento le phatlhaladitswe mo letlakaleng la rona la Facebook. Etela letlakala la rona go bona dintlha tsotlhe.

LE KOPIWA GO TSWELELA GO LALELA MELAWANA YA ITSHIRELETSA



Re tshwanetse go tswelela go latela melawana ya itshireletso kgatthanong le COVID-19 e ga jaana re setse re e itse, gore re thibe go gasaganya leroborobo le:

- apara mask;
- tlhapa diatla nako le nako;
- tlogela sekgala (1.5 ya dimitara);
- O SEKA wa ya kopanong fa o sa ikutlwe sentle.

TLHAELETSANO

Ka ntlha ya COVID-19, e setse ele lobakanyana re feleleditse go kopana jaaka tlwaelo ya dingwagangwaga.

Fa ke bua thata tota ka Makgotla le Dumela Phokeng.

Re ne re begile gore Makgotla a buletswe go ka kopana gape ka 1 Motsheganong, mme ka ntlha ya dipalo tsa tshwaetsego tse dintse di namelela tsa COVID-19, a boetse a emisitswe gape go fitlhella go begwa gore a ka tshwarwa gape, se ele go leka go sireletsa rona botlhe.

KGOTLATSHEKELO YA SELEGAE

Ditsamaiso kwa Kgotlatshekelo ya Selegae di emisitswe, lo tla itsisiwe fa Kgotla e simolola go dira gape. Fa e dira gape, melawana e e gagametseng ya COVID-19 e tllile go latelwa. Go tllile go letlelelwa fela maloko a a laleditsweng. Batho ba ba tllileng go tla go bogela ga ba letlelelwa.

DITIRELO

Le fa badiri botlhe ba dikantoro tsa Royal Bafokeng ba tswelela go direla kwa gae, jaaka tsela ya go itshireletsa, lo itsisewe fa badiri botlhe ba ditirelo tse di bothokwa ba RBN ba tllile go tswelela go dira.

KE A LEBOGA

Ke rata ro tsaya tshono eno go lo leboga, mo boemong ba lelapa la kwa bogosing, ka tshegetso e lo re neetseng yona morago ga gore re latlhegelwe ke Mme le Nkoko wa rona o re neng re mo rata thata.

Phatlha e a e tlogetseng e bonala letsatsi le letsatsi.

Jaaka lelapa la bogosi, re a itse gore ga re nosi mo kutlo-botlhokong ya go latlhegelweng ke yo re mo ratang. Gaufi le gae, le lefatshe ka bophara, COVID-19 e tllitse selo mo malapeng a mantsi thata.

Fa gona le se re tshwanelwang ke go se ithuta fa re ntse re lwa kgatthanong le leroborobo leno, e tshwanetse gonna bopelonolo mme re kgathallaneng. Re mo ntweng eno mmogo.

Kgosi Leruo Tshekedi Molotlegi

“Lo kopiwa go tswelela go itshireletsa, go sireletsa maloko a rona, ditsala le baagisane.”